

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De tertio

[urn:nbn:de:bsz:31-126133](#)

in veritate tuâ, sermo tuus veritas est, Joh. 17. v. 17.

III. Ex his storia infallibilitate. Hic est discipulus ille, qui testimonium perhibet de his, & scripsit hæc. Et scimus, quia verum est testimonium ejus, dicit Johannes, qui & ipse est, de quo hic sermo inter discipulos exierat, quod non moriturus sit. Idecò hic palam testatur, quid ex ore Servatoris audierit, & opinionem hanc falsam emendat. Merito ergo ei fidem habemus, quia non ex propriâ autoritate loquitur, sed velut testis oculatus a Deo in hoc ordinatus, ut veritati testimonium perhiberet.

Perspicimus hinc, quanta *Autoritas Scripturarum*, Doctrina Apostolorum & Evangelistarum vera & certa est, illi enim id annunciarunt nobis, quod audiverunt, quod oculis suis viderunt, quod perspexit, quod manus eorum contrectarunt, 1. Joh. 1. v. 1, illi sunt, quos Spiritus sanctus in omnem veritatem duxit, Joh. 16. v. 13. Hinc Petrus, 2. Ep. 1. v. 16-18. Confer Act. 4. v. 20.

Efficax hinc solatium nobis suboritur in omnibus temptationibus. Scriptura sacra non fabellis Æsopi, aut naso cereo similis est: sed liber est veritatis. Ideo certi sumus, fidem nostram sufficienter fundam, omnesque Dei promissiones Etiam & Amen esse, 2. Cor. 1. v. 20. Lex Domini perfecta est, convertens animas, Psal. 19. v. 8. 11. Actor. 20. v. 27. 2. Timoth. 3. v. 16. Sufficiunt sanctæ & divinitus inspiratae Scripturæ, ad omnem instructionem veritatis, ait Augustinus.

Nos hinc fidelem Dei providentiam, quam salutis nostræ rationem habet, agno-

scamus, libros Scripturæ sacræ eò magis diligamus, in iis legamus, & illos perscrutemus, quo salvifica Dei agnitione imbuti, ad salutem promoteamur, juxta Christi instructionem: Scrutamini Scripturas, Joh. 5. v. 39.

### De Tertio.

R Estat Cautela, quæ tribus absolvitur Regulis, ut sunt

I. Christum dilige. In prælecto nostro Evangelio Christus Petrum tertia vice interrogat: an sediligat? Et respondet Petrus: Domine, tu omnia nosti, tu scis, quia amo te. Id ipsum dicamus nos ab ipso.

Caritas Christi supereminens scientia est, ait Paulus, Eph. 3. v. 19. Et si quis non amat Dominum nostrum Jesum Christum, sit anathema Muharematha, 1. Cor. 16. v. 22. Et quidni beneficium hunc Dominum diligemus, quem amor hominum fecit hominem, cujus delitiae sunt cum filiis hominum, Proverb. 8. v. 31.

Quis eum non diligeret, qui ab initio Ecclesiæ suæ præstò fuit. Mirificavit eam, Psal. 4. v. 4. in utero suo portavit, Esa. 46. v. 3. in manibus suis descripsit, Esa. 49. v. 17. ut signaculum super cor suum posuit, Cant. 8. v. 6. ut pater ejus miserritus, Psal. 103. v. 13. ut mater dilexit, Sir. 4. v. 11. ut mater consolatus, Esa. 66. v. 13. ut Sanator curavit, Exod. 15. v. ult. & ita semper mirabilis in Sanctis suis fuit, Psal. 68. v. 36.

Quis eum non amore amplectetur, in quo cœlestis Pater nos dilexit antè

jacta fundamenta mundi , Ephes. 1. v.5.  
imò, cum quo omnia nobis donavit, Rom.  
8. v. 33.

*Quis eum non diligenter, qui nos prior dilexit, & pro nobis mortuus est, cum adhuc peccatores essemus , Rom.5.v.8. qui propter nos servi formam assumit, Phil. 2. v. 7. & propter nos egenus factus est, utilius in opia nos divites essemus, 2. Corinth.8.v.9.*

Ipse nobilis ille Samaritanus est , qui vulnera nostra obligat & sanat, Luc. 10. v.34. & nos amicè compellat ex Augustino : Fallinon vis? veritas sum ; mori non vis? vita sum ; errare non vis? via sum : non est, quò eas, nisi ad me, non est quà eas, nisi per me.

Sicut igitur ignis ignem succedit : Ita & merito ignis amoris, quo nos Christus prior dilexit, corda nostra foveat, ut si non flammatum ignis , minimùm tamen aliquot scintillulas in nobis exsusciteret.

Christus est summum bonum, imò unicum bonum, primus & novissimus , Esa. 44.v.6. Alpha & Omega principium & finis, Apoc.1. v.8. ideo caritas nostra ab eo incipiat, & in eo finiatur. Ipse super omnia & in omnibus est; propterea ipsum super omnia & in omnibus diligamus.

Extrà illum nulla lœtitia est, sed mera tristitia ; extrà ipsum nulla requies, sed mera inquietatio ; extrà ipsum nulla voluptas, sed merum fastidium ; extra eum nulla salus, sed mera damnatio. Diligamus ergo eum suprà omnes divitias, quia est summum bonum; suprà omnem gloriam, quia est summa gloria; suprà omnem sapientiam, quia est summa sa-

pientia ; suprà omnes delitias, quia est summa voluptras; suprà omnem pulchritudinem, quia est summus decor; suprà omnes homines, quia omnium amicorum amicus est constantissimus. Licet multa dicamus : tamen non possumus verbis assequi : breviter, ipse omnia est, Sir. 43. v. 28. Hoc ipsum amorem ejus in nobis exsuscitet, ut cum Ecclesiâ dicamus : Herzlich lieb hab ich dich O Herr ic.

II. *Christum sequere.* Christus hic dicit: Sequere me, quod non Petro modò, sed omnibus nobis dictum est.

Sequamur autem Christum

I. *Obedienter.* Ut diligamus habitaculum domus ejus, & locum habitationis gloriae ejus, Psal. 26. v. 8. ubi memoriam nominis sui posuit, Exod. 20. v.24. Ad quod invitat nos David inquiens: Servite Domino in lœtitia: introite in conspectu ejus, in exultatione &c. Psal. 100. v. 1.3. ibi domus ejus est, quæ est domus orationis, Esa. 56. v.7. ubi veniet ad nos & benedic nobis, Exod. 20. v. 24.

Sic promptè obedivit Abraham , ubi Deus eum jussit egredi de terra suâ : egreditus est, sicut præcepérat ei Dominus, & ivit cum eo Loth, Gen.12. v.1.5.

Idem nos quoque faciamus. Dominum Deum vestrum sequimini, & ipsum timete , & mandata illius custodite , & audite vocem ejus , ipsi servietis , & ipsi adhærebitis, Deut.13. v. 4. Vera Christi ovicula sequitur eum & audit vocem ejus Joh. 10. v. 3. 4. Sed & Præpositis nostris obediamus & parcamus, ipsi enim pervigilant pro animabus nostris , Hebr.

Hebr. 13. v. 17. Insistamus vestigiis ejus, discentes ab ipso mansuetudinem & humilitatem, Matth. 11. v. 29. Phil. 2. v. 5. 8. 1. Joh. 2. v. 6. Joh. 8. v. 12.

2. Patienter. Quando nos vocat: Si quis vult post me venire, abneget seipsum, & tollat crucem suam, & sequatur me, Matth. 16. v. 24. Qui non bajulat crucem suam, & venit post me, non potest meus esse discipulus, Luc. 14. v. 24. sequamur Redemptorem nostrum in patientia. Nolite timere eos, qui occidunt corpus, animam autem non possunt occidere &c. Matth. 10. v. 28. 1. Petr. 2. v. 22.

Quodsi ipsum per varias tribulationes & afflictiones tecuti fuerimus, sequemur quoque eum in cœlesti gaudium, ut ipse ait: Pater, quos dedisti mihi, volo, ut ubi ego sum, & illi sint mecum, ut videant claritatem meam, quam dedisti mihi, Joh. 17. v. 24. Confer Rom. 8. v. 17. 19.

III. *Quæstiones inutiles remove.* Christus Petro ad tutilem & curiosam quæstionem suam ita respondet: Si eum volo manere, donec veniam: quid ad te? q. d. licet eum superesse velim, usque ad diem ultimum, nihil te attineret. Tu quæ munieris tui sunt cura, nec de aliis solicitus esto.

Hinc satis elucescit, Dominum curiosam hanc Petri quæstionem minimè probare, ut & nos ab ejusmodi quæstionibus avocet. Quod & Paulus facit, 2. Tim. 2. v. 22. Tit. 3. v. 9.

Et si quis esset, qui inutiles ejusmodi quæstiones moveret, non adeò solicite ad illas respondere teneremur.

Discipulis Servatorem interroganti-

bus: Quod signum adventus tui erit, & consummationis seculi? respondit ille: De die illâ & horâ nemo scit, neque Angeli cœlorum, nisi solus Pater, Matth. 24. v. 3. 36. & cum antè adscensionem suam in cœlum ex eo quærerent: Domine, si in tempore hoc restitus Regnum Israel? dixit illis: Non est vestrum, nosse tempora vel momenta, quæ Pater posuit in sua potestate, Act. 1. v. 6. 7.

Quicunque igitur quæstionem propone vult, ea quærat, quæ salutaria sunt & animæ saluti conducunt, ne à Salomon audiat: Ne respondeas stulto, juxta stultitiam suam, ne efficiaris ei similis. Responde stulto juxta stultitiam suam, ne sibi sapiens esse videatur, Prov. 26. v. 4. 5.

Imprimis verò quilibet sibi cœreat, ne mysteria divina ratione indagare præsumat. Sicut, qui mel multum comedit, non est ei bonum: sic scrutans gravia gravatur, Proverb. 25. v. 27. Sapient. 9. v. 13. 18.

Esto contentus eo, quod tibi in Scripturis revelavit Deus. Habes verbum ejus dilucidum & perspicuum, quod scriptum est, ut credas, & ut credens vitam habeas, Johan. 20. v. 20. Audi summam totius rei: Deum time, & mandata ejus observa, hoc enim omnes homines decet, Eccl. 12. v. 13.

Petrus per crucifixionem è medio tollitur, Johannes morte naturali obit. Hoc fit juxta voluntatem Dei investigabilem. Quodsi adhuc hodiè Servator tuus vult, ut hic in infantia, ille in senectute, hic morte naturali, ille violenta

in

in peregrinatione finiat vitam: ne sis curiosus cur id fiat, quia id nō perscrutaberis. Deus cuique terminum suum constituit, qui præteriti non potest, Job. 14. v. 15. Tempora hominis in manibus Dei sunt, Psal. 31. v. 16.

Vir Ægyptius aliquando aliquid obvelatum per plateam ferebat. Huic obviabat vir curiosus, qui quarebat ex eo, Quid absconditum ferret? cui alter respondit: Ideò obvelatum est, ut tu nescias.

Idem responsum illis demus, qui myste-

ria divina ratione rimari non verentur: ideo enim mysterium est, quia per vestigari non licet. Contentus esto in sanctissimâ Altissimi voluntate, cum Davide dicens: Convertere anima in requiem tuam, quia Dominus beneficit tibi, Psal. 116. v. 7. & cum Eli Sacerdote: Dominus est, quod bonum est in oculis suis, faciat, 1. Sam. 3. v. 18. & cum Job: Sit nomen Domini benedictum, Job. 1. v. 26.

Laus & gloria sit Domino Deo nostro, per Jesum Christum, Amen.

## IN FESTO CIRCUMCISIONIS CHRISTI.

*Evangelium Luc. 2. v. 21.*

### EXORDIUM.

Cum Judæi ex extremo periculo, quod Haman ipsis concinnaverat, liberati essent, diem decimum quartum mensis Adar constituerunt esse solennem, ut in eo, omni tempore deinceps vacarent epulis, gaudio atque conviviis, mittentes sibi mutuò donaria, partes epularum atque ciborum, Jeth. 9. v. 17. 22.

Hinc procul dubio consuetudo invavit inter Christianos, ut hodierno die, non modò felicem annum sibi invicem presentur, sed & strenam mittant, in testimonium lætitiae spiritualis, qua ratione miraculosæ redēctionis, per Jesulūm recens natum factæ, in cordibus eorum nata, de qua Angelus pastoribus Bethlehemiticis ita prædicat: Nolite timere: ecce enim

evangelizo vobis gaudium magnum, quod erit omni populo: quia natus est vobis hodiè Salvator, qui est Christus Dominus in civitate David, Luc. 2. v. 10. 11. Ubienim venit plenitudo temporis, misit Deus Filium suum natum ex muliere, Galat. 4. v. 45.

Propterea nos Christiani hodierno die novum annum auspicamur, quo die Christus legem subiens, legem pro nobis implere, & sanguinem immaculatum pro nobis fundere, salutemq; nostram operari ceperit, ut Bernhardus loquitur.

Ut ita strena inter Christianos Symbolum memoriale sit, cœlestis Jubilæi, quod Pater cœlestis in Filio suo, Jesu, recens nato, nobis donavit. Quasi alloquatur Christianus alterum: Ecce, mi fili, mi amice